

Submarino Aleman U-156 ta trece guerra mundial II di Europa pa Aruba

Februari 16, 1942

Un zonido manera un strena a habri silencio di anochi for di otro. Un tankero habri for di otro pa un explosion a cuminsa scupi azeta crudo tur na candela den tur direccion. E tripulante a cuminsa grita den panico den nan camerotanan rondona pa candela. Algun a purba di alcanza e botonan di salvabida, otronan meramente a lanza nan culpa den e lama tur na candela y hopi di nan a muri.

Tabata 1:31 di marduga, Februari 16, 1942. Guerra Mundial II a worde treci Aruba pa e submarino naval di e Reich Aleman U-156, comanda pa Lt. Capitan Werner Hartenstein, mihor conoci como "Cacho Loco" pa su tripulante y compañeronan.

Submarino naval U-156 a worde comisiona Sept. 4, 1941. Abordo e tabatin e elenco di mihor oficialnan Aleman y un tripulante bon entrena y disciplina. Hartenstein tabata soltero, casa cu lama, cual a ocupa 15 di su 33 aña di bida. E tabata oficial di arteleria abordo di barconan naval hopi pisa, tabata comandante di e boto cruzero Jaguar y tambe a worde conceder na varios ocasion cu e cruz di hero I y II y e Cruz di Oro Aleman promier cu el a drenta servicio di submarino.



Kapitanleutnant Werner Hartenstein Commander-U-boat 156

Mei mei di December, 1941 Hartenstein a conclui cu su tripulante tabata suficiente bon entrena y capaz pa resisti e servicio riguroso cual ta bay spera nan. Pasco anochi e submarino a laga e haf di Kiel y a pone rumbo noord-west pa Noordzee.

U-156 a pasa bao di Irlanda banda di e costa, a pone algun bocu meteorologico pa e forza naval Aleman pa nan pronostica tempo y tambe e movicion di barconan aliado den e zona

Tabata 47 aña pasa, Februari 16, 1942, cu cuater tanquero di Lago den servicio di lago Maracaibo a worde torpedea, y e refineria di lago tabata e promer obhetivo terestre di e Hemisfero Occidente den Caribe cu a worde ataca pa e enemigo, e Reich Aleman di Adolf Hitler.

ey, y despues nan a procede pa Francia.

Januari 8, 1942, despues di a patruya e ruta di convoi pa basta dia suministrando informacion valioso pa e barconan naval Aleman, nan a drenta e haf di Lorient na e costa west di Francia ocupa. Nan por a sink varios barco mercantil aliado den convoy, pero nan mision tabata otro.

Preparacion pa abasta e submarino pa e viahe largo pa west a tuma 11 dia y un enorme cantidad di provision y arma mester a worde poni abordo. U-156 tabata 252 pia largo y su velocidad di cruza ariba awa tabata 18.3 nudo y submergi 7.3 nudo. Su podernan pa propulsa ta consisti di dos motor diesel di 2500 HP cada uno, y su armamento ta consisti di un cañon di deck di 10.5 cm, dos metrayador anti-aereo di 2.0 cm y un cañon di 3.7 cm.

U-156 a bandona Lorient Januari 19, 1942, full stiwa cu provision y arma. En total tabatin abordo 25 torpedo, tanto den e tubonan di lanzamento como mara den bodega y ariba deck. Nan a pone rumbo zuid-west pa Azores y despues pa Zuid-America y Caribe.

Februari 10 nan a pasa pa noord di e isla di Guadeloupe y e tripulante a haya tende cu nan tereno di caza lo bira e islanan di Curacao y Aruba. Tres dia despues Curacao a bin na bista pero nan instrucion no tabata firme ainda.

Hartenstein a informa nan cu nan ta spera orden definitivo for di Berlin, y cu nan hunto cu e otro submarinonan U-67, U-161 y U-502 tabata parti di e operacion aki, esta pa kibra e ruta di transportacion di crude for di Lago Maracaibo pa Aruba y Curacao. U-156 a worde asigna e ruta entre Maracaibo y Aruba.

Feb. 13, 6:30 di atardi U-156 a lanta bin superficie, y a dirigi su mes pa Seroe Colorado, pasando ariba e cabez di Aruba y pa 8:30 p.m. a pasa dilanti di e refineria di Lago.

Hartenstein a nota cu e refineria tabata tur na luz, cuater tankero tabata den haf y tres tabata standby pafor di rif. Satisfecho cu loque el a mira el a accelera velocidad di U-156 y a procede pa Oranjestad.

El a hiba e submarino abao y a bay te den boca di e haf di Oranjestad, pero no a nota nada di importancia. Si Hartenstein a nota cu tabatin dos pa cuater avion di patruya Americano staciona na Prinses Beatrix airport cual a haci cu a tuma e precaucion pa submerge U-156 pa no ser detecta.

Ataca e tankeronan di e ruta Maracaibo/Aruba promer den e vecindario di Lago - Aruba, (2) si esaki ta exitoso despues ataca e refineria, y (3) si no tin movicion di tanquero bay over y ataca e refineria directamente. U-156 a keda submergi casi henter dia Feb. 15, menos cu 2 milla pafor di e Seroe



Exactamente 1.30 a.m., Feb. 16, tabata 8.01 ora di Berlin, U-156 a lanza su promer torpedo. Exactamente 48.5 seconde despues e explosivo a penetra e banda di Pedernales y a convirte den un infierno.

E submarino a keda bao awa te mainta Feb. 14. Despues Hartenstein a duna orden pa subi atrobe y a sigui observa e ruta di e tanqueronan, practicando su instrumentonan y simulando ataquenan ariba e diferente tanqueronan cu tabata pasa, pero sin dispara torpedo of ataca. E tabata warda orden di e supremo comando Aleman.

Feb. 15, 6:10 e orden a drenta, y e admiralnan Donitz y Raeder a cambia e instrucionnan previamente duna: E instrucion nobo ta awor: (1)

Colorado, observando e movicion di e tankeronan y actividadnan di e refineria.

Ora solo a drenta U-156 a lanta pero casi a bin den choque cu un boto di patruya Hulandes. Pa su suerte e por a evita esaki na tempo y no a worde mira. Awor cu Hartenstein ta satisfecho cu e peliger a pasa el a laga e tripulante subi ariba deck, y goza di e actividadnan den haf y e luznan di e refineria.

Hustamente, pasobra nan a biba casi dos aña y mei den un Europa di blackout, y e luznan di e refineria y di San Nicolas cu tur e trafico di auto pariba pabao, a fascina nan nan. Seroe Colorado tambe tabata un bista maravilloso. E oficial di warda di 12'or di mei anochi pa 4'or a.m. tabata oficial Van Dem Borne, cu alavez tabata oficial di arteleria.

El a supervisa e tripulante den preparacion di e cañonnan. Lt. Just, e promer oficial di warda, y su peleton a supervisa preparacion di e torpedonan. Awor ta cuestion di solamente seconde of algun minuut. E tripulante di U-156 ta cla pa bin den accion y tur hende ta exita.

Exactamente 1:31 a.m. Feb. 16, tabata 8:01 ora di Berlin, U-

156 a lanza su promer torpedo. Exactamente 48.5 seconde despues e explosivo a penetra e banda di Pedernales y a convirte den un infierno.

Dos minuut despues 1:33 un segundo torpedo lanza for di e tubonan padilanti di U-156 a penetra e tankero Oranjestad y a mande fondo. Confidente di e resultado Hartenstein a ordena e submarino den direccion di e haf y a stop 3/4 milla pafor di e rif.

E arteleria pisa di 10.5 cm. a worde dirigi ariba e refineria y tabata cla pa dispara. E coman-

do pa dispara a bin 1:41 a.m. y a worde sigui instantaneamente pa un zonido pisa cu a laga henter e tripulacion casi sordo y henter e nave a sacudi.

Marinero businger tabata drumi ariba deck sin ningun señal di bida mientras cu Van Dem Borne a worde lanza for di su posicion na e cañon grandi y a keda primi contra e toren di U-156 unda cu el a worde tira pa e explosion.

E peleton a keda tira cu e cañonnan chikito pero como Hartenstein a mira cu esaki no ta duna ningun resultado el a duna orden pa stop. Hartenstein furioso a ordena e submarino pa bandona e sitio pa averigua kico a pasa cu e cañon grandi, pues e cañon cu cual e tabata sigur mester a trece e resultado desea. E ora el a mira e desastre cu a socede.

E peleton den nan excitacion pa bin den accion a actua mucho pura, y a lubida di kita e tapa di e boca di cañon cual ta evita cu awa ta drenta den loop di e cañon ora e a bao awa; na momento di dispara e cañon a rementa na e punta cual a haci inoperable. En vista di esaki, loque por a pasa si e cañon



Lieutenant Dietrich A. von dem Borne, Second Watch Officer-U-boat 156

Sigui lesa pagina 16